

rerum Ecclesiae in duplo, conservando exemplar unum in archivio parochiali, alterum remittendo ad archivium Episcopi. Testamentorum etiam tempestive confectio- nem non omittant.

884. Parochi aut Cappellani ecclesiarum non absque venia Episcopi novas constructiones suscipiant, ac multo minus licet eis in hunc finem alieno aere se gravare, aut vendere ex mobilibus Ecclesiae, praesertim pretiosis, nisi licentia obtenta, iuxta Sacrorum Canonum sanctiones; Episcopi autem erit peritum designare, qui consilio suo adsit in hisce, maxime quoad constructio- nes novas.

885. Collectores decimarum, Oeconomi (*Mayordomos*) et ceteri omnes, qui aliquo modo res Ecclesiae administrandi curam habent, de hisce bonis librum rationum habeant, quo constet de fideli administratione.

Muy Preciabile
Sr. Presb. D.

Gabino Chávez
(El Señor Obispo - cano)

en el día San gratopara él.

Matatlan (Zapotlanejo), feb. 10/1840

Presb. José Ysabel Flores

Veritas et Justitia

PARS IV.

DE IURE

886. Sicut in tribus partibus nostrae Synodi praecedentibus, quaedam tantum de Dogmate, quaedam de Moribus et quaedam de Disciplina delibata sunt, ita etiam, hac in Parte Quarta nostri Concilii, quaedam solummodo circa Ius brevissime expendemus. - Iuris autem materia circa quam Coetus huius Patres aliquid praecipere cogitamus, unice sunt Ecclesiastica Iudicia.

887. Quanti vero ponderis in iisdem Iudiciis omnia exacte determinare, nemini non patet: in mundo quippe cum sit principatus duplex a Deo institutus, ecclesiasticus videlicet ac saecularis, duplex pariter et iudiciaria potestas, et duplicia sunt iudicia; et cum huiusmodi potestates a Deo sint sapienter ordinatae, unicuique certum causarum genus competit, quas sine usurpatione, arrogare sibi nequit potestas, cui non fuerint attributae ideoque et iudicia differentia differenter agenda sunt.

CAPUT UNICUM.

De Iudiciis et poenis.

888. In omnibus causis matrimonialibus fideliter serventur sapientissimae praescriptiones Benedicti XIV in Const. *Dei miseratione* et Instructiones S. C. Concilii, 22 Aug. 1840.

889. Quando agitur tantum de matrimonio rato et non consummato, praevia licentia S. Sedis diiudicando, ad dispensationem obtinendam, prae oculis habeatur declaratio eiusdem S. C. Concilii, 16 Iun. 1894 in *Var-savien.*

890. Rigor autem citatae Const. Benedicti XIV remitti potest in casibus tantum a S. Officio designatis die 6 Iun. 1889.

891. In causis clericorum, Episcopi aliique iudices ecclesiastici diligenter servare curent Instructionem S. C. Episcoporum et Regularium 11 Iun. 1880.

892. Quoad appellationes, prae oculis habeantur et fideliter servantur Constitutiones Benedicti XIV *Ad militantis Ecclesiae* 30 Martii 1742 [et *Trans Oceanum Leonis XIII*, 18 Apr. 1897].

893. In causis quae respiciunt Const. Bened. XIV *Sacramentum Poenitentiae*, secretum inviolabiliter servandum est omniaque peragenda ad normam Instructionum 20 Febr. 1867, 20 Iul. 1890 [et 6 Aug. 1897].

894. Circa suspensiones *ex informata conscientia* Episcopi aliique Ordinarii prae oculis habeant et accurate servant normas a S. C. de Propaganda Fide editas die 20 Oct. 1884.

895. In *Collectanea S. C. de Prop. Fide* varia habentur documenta ad rem facientia, quae iudicum ecclesiasticorum memoriae et studio commendamus.

LAUS DEO ET B. M. V. IMMACULATAE
SUB TITULO DE GUADALUPE
MEXICANAE NATIONIS PATRONAE

FINIS.

INDEX

ACTA CONCILII.

APPROBATIO APOSTOLICA CONCILII GUADALAXARENSIS	
PRIMI	IX
DECRETUM PROMULGATIONIS CONCILII GUADALAXARENSIS PRIMI.	XI

ACTA CONCLUSIONIS CONCILII.

DECRETUM I. De huius Concilii Decretorum subscriptione.	XIII
DECRETUM II. De conclusione Synodi	XIII
DECRETUM III. De Promulgatione Decretorum	XIV
DECRETUM IV. De dubiorum solutione	XIV
DECRETUM V. De Concilii III Mexicani derogatione.	XIV
DECRETUM VI. De omnimoda subiectione Concilii S. Sedis iudicio.	XV

DE CONSECRATIONE TOTIUS PROVINCIAE GUADALAXARENSIS CORDI DOMINI NOSTRI IESU CHRISTI SACRATISSIMO.

Decretum et Formula	XV
-------------------------------	----